

## Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

## Riedel, Adolph Friedrich Berlin, 1861

√II. Statut f	ür die Gewand	lschneider z	u Beeskow,	vom 21. D	ezember	1340.
Nutzu	ıngsbedingungen					

urn:nbn:de:hbz:466:1-55508

## VI. Markgraf Ludwig bestätigt bie Stadt Beestow, am 12. Juli 1339.

Wir lodewyk, von gotis gnaden margrave zeu Brandenburg vnd zeu lufitz, phalczgrawe by deme Ryne, herzoge yn beyern vnnd dez heiligen Romischen riches obirst Cammerer, bekennen offintlich yn dissem brise, daz wir vnsere Stat zeu bezekow vnnd vnsere getruwen burger darselbest lasen sullen by alle dem rechte, gnaden vnnd vryheiten, alz sy an vnsern omen, hertzoge Rudolse von Sachsen komen syn, vnde sullen en der nicht krenken an keynerleige sachen, daz geloben wir en ganz vnd stete zeu halden an dissem keginwortigem brise, der ist gegeben zu der goltzow, vndir vnserm Ingesigel, nach gotis gebort XIII hundert Jar, darnach XXXIX Jare, an sunthe margarethen abent.

Rach bem Beestower Copialbuche Vol. III, fol. 4.

## VII. Statut für bie Gewanbichneiber zu Beestow, vom 21. Dezember 1340.

In gotis namen amen. Allis daz geschit in der tzit, daz vorget mit der tzit. Darumme fin hantuestin vnd Brife irdacht, daz icht vs mentzlichim gedechtnis kome, daz Erber lüte tzu nutze vnnd tzu vromen geewigit vnnd bestetigit habin wollin. Dauon wir ratmanne, Hentze, di Richtir, Scheppfin, Alle gewerkin vnd die gantze gemeynheit der stat Bezkow tzu nuttze vnd tzu vromen derfelbin stat eintrechtik sin wordin vnnd vor ein recht haben schollin: wer sin gewant snidin gewinnen wil, der schal sich vor den ratmanne darselbins sich bewisin, den schollin die Ratmanne vort tzu den gewantsnidern fendin. Ist he den Behegelich, so schal he vor die Ratmanne widderkomen vnnd sich mit den Berichtin von der stat wegin vmme virtzik grose vnde mit den gewantsnidern vmme tzen grose vnde vmme ein psunt wachsis tzu kertzin. Welch man, be sie wer he sie, in derselbin stat tzu Bezkow adir in irme gebite gewant snidit, Der sin snidin nicht gewunnen hat, Als hiuor beschrebin ist, waz der von endin an gewande hat, die schollin sin der gewantsnider tzu Beskow, da schal sie niemant an hindirn vnnd schal derselbe vor den Bruch der stat gebin virczik grofe. Snete ouch ymant gewant tzu Bezkow vnnd mans im nicht vbirkomen mochte, wollin in die gewantsnidere darumme beschuldigin, daz schollin sie tun vor den ratmannen der vorgenanten stat: die schollin in rechtis darubir helsen. Welch gewantsnider bricht adir misseut an der minstin buse wider der gewantsnider recht adir willekor. Der schal den gewantsnidern gebin vunf grofe. Bricht abir ymant vndir in an der großtin buse, Der schal die Buse lidin von der stat wegin vnnd von der gewantsnider wegin, Als andere gewerkin der stat Bezkow lidin. Daz alle dise vorbescreuene rede vnde sachchin stete, gantz vnnd vnuorbrochin gehaldin schollin werden, Dez ist tzu getzuge vnde orkunde der vorgescrebenin stat Bezkow yngesegil an disin brif gehangin, Der ist gegebin daselbins tzu bezkow, nach gotis gebort Dritzenhundert jar, jmme virtzigistin Jare, an sente Thomastage is apostiln.

Original im Stabtarchive Dr. 3.